



Bibiliya y'abana
irerekana

Igihe Imana
yaremye byose



yanditswe na: Edward Hughes

yashushanyijwe na: Byron Unger; Lazarus
Alastair Paterson

yahujwe na: Bob Davies; Tammy S.

yahinduwe na: Elizabeth Johnson

yasohowe na: Bible for Children
www.M1914.org

©2020 Bible for Children, Inc.

Ufite uruhusa rwo gucapa no gukora kopi y'iyi nkuru
igihe cyose utagamije kugurisha.



Ni nde wa turemye? Bibiliya, Ijambo ry'Imana,
itubwira uko ubwoko bw'abantu bwatangiye. Kera mu
gihe cyashize, Imana yaremye umuntu wambere
maze imwita Adamu.



Imana yaremeye Adamu mu mukungugu w'isi. Igihe
Imana yahumekeye umwuka w'ubugingo muri Adamu,
yabaye muzima. Yibonye we ubwe mu busitani bwiza
bwitwaga Edeni.



Mbere yuko Imana irema Adamu, yaremye isi
nziza yari yuzuyemo ibintu byiza. Buhoro buhoro
ku murongo Imana irema ahantu h'imisozi, ahantu
h'ibibaya, indabo zihumura neza, ibiti birebire, inyoni
ziguruka z'amabara meza, inzuki, inyamaswa nini
n'ibikurura inda byose.

Mu by'ukuri Imana
yaremye byose,
hariho byose.



Mu itangiriro, mbere yuko
Imana irema ikintu icyo ari
cyo cyose, ntacyabagaho
usibye Imana. Nta bantu
cyangwa ahantu cyangwa
ikintu. Nta na kimwe.

Nta rumuri nta
n'umwijima. Nta
hejuru nta no hasi.


Nta ejo hashize nta
n'ejo hazaza. Hari
Imana yonyine yo itari
ifite itangiriro. Hanyuma
Imana irakora.




Mu itangiriro, Imana
yaremye ijuru n'isi.



Isi yaritagira ishusho, yariho
ubusa. Kandi umwijima
wari hejuru
y'imuhengeri.
Maze Imana
iravuga iti:
"Reka habe
umucyo."



Maze umucyo ubaho. Imana yita umucyo amanywa
n'umwijima iwita ijoro. Buragoroba buracya wari
umunsi wa mbere.



Ku munsi wa kabiri, imana izana amazi y'inyanja, inzuzi n'ibiyaga mu isanzure munsi y'ijuru. Ku munsi wa gatatu, Imana iravuga iti, "Habeho ubutaka bwumye." Nuko biraba.



Imana irongera itegeka ko habaho ibyatsi, indabo,
ibihuru n'ibiti. Ni uko bibaho.

Buragoroba buracya
wari umunsi
wa gatatu.



Imana irema izuba n'ukwezi,
n'inyenyeri nyinshi umuntu
atabasha kubara. Buragoroba
buracya wari umunsi wa kane.




Ibiremwa byo mu nyanja
n'amafi n'innyoni nibyo byari
bikurikiye ho kuri gahunda
y'Imana. Ku munsi wa
gatanu irema ibifi binini
n'amato, ibisiga n'innyoni
zishimye. Imana
yaremye amoko yose
y'amafi ngo yuzure amazi
yose yo ku isi n'amoko yose
y'innyoni ngo anezererwe
ubutaka, inyanja n'ikirere.
Buragoroba buracya wari
umunsi wa gatanu.



Nyuma y'ibyo, Imana irongera iravuga. Iravuga iti, "reka isi izane ibifite ubugingo..." amoko yose y'innyamaswa n'ibiguruka n'ibikururuka byose bibeho. Hari inzovu nini. Inkende z'indyarya n'ingona z'imico mibi. Ibihore n'inguge. Twiga n'insamagwe. Amoko yo y'innyamaswa yaremwe n'Imana kuri uriya munsi.



Buragoroba buracya wari
umunsi wa gatandatu.



Imana yakoze ikindi kintu ku munsi wa gatandatu, ikintu kidasanzwe. Ibintu byose byari byabonetse byangombwa ku muntu. Hari ibyo kurya mu mirima n'amatungo yo kumufasha. Nuko Imana iravuga iti,

"reka tureme umuntu mu ishusho yacu. Reka abe umutegetsu wa byose ku isi." MAZE IMANA IREMA UMUNTU MU ISHUSHO YAYO; MU ISHUSHO Y'IMANA NIKO YAMUREMYE ...



Imana ibwira
Adamu. "Jya urya
ibyo ushaka byose
mu busitani. Ariko
ntuzigere urya ku
giti cy'ubwenge
bumenyeshya icyiza
n'ikibi. Nurya kuri
icyo giti ntakabuza
uzapfa."



Uwiteka Imana iravuga iti, "Ntabwo ari byiza ko umugabo aba wenyine. Ngiye ku muremera umufasha." Imana izanira Adamu inyoni zose

n'inyamaswa. Adamu abyita amazina byose. Ashobora kuba yarananiwe kubera akazi yakoze. Ariko muri izo nyoni zose n'inyamaswa nta mufasha ukwiriye Adamu wari urimo.



Imana isinziriza Adamu.
Ikuramo urubavu rumwe
rw'umugabo, irema umugore
mu rubavu rwa Adamu.
Umugore Imana yaremye
yari umufasha ukwiriye
Adamu.



Imana yarangiye kurema ibintu byose ku munsu wa gatandatu. Maze Imana iha umugisha umunsu wa karindwi, iwugira umunsu w'ikiruhuko. Mu busitani bwa Edeni, Adamu na Eva umugore we bari bafite ibyishimo byuzuye bubaha Imana. Imana yari usumba byose wabo, yabahaga ibyo bifuzaga byose, yari n'inshuti yabo.



Igihe Imana yaremeye byose
inkuru yo mu Ijambo ry'Imana, Bibiliya

Yavuye mu gitabo cya

Itangiriro 1-2

"Guhishurirwa amagambo yawe bizana umucyo."
Zaburi 119:130



Iherezo



Iyi nkuru itubwira iby'Imana yacu
nziza yaturemye kandi ishaka ko tuyimenya.

Imana izi ko twakoze ibintu bibi, yita icyaha. Igihano cy'icyaha ni urupfu, ariko Imana iragukunda cyane kuburyo yohereje umwana wayo w'ikinege, Yesu, apfira ku musaraba maze ahanwa kubw'ibicumuro byawe. Hanyuma Yesu arazuka, ajya mu rugo mu ijuru! Niba wizera Yesu kandi ukamusaba imbabazi z'ibyaha byawe, azabikora! Azaza, abe muri wowe, kandi uzabana nawe ubuzira herezo.

Niba ushaka kuva mu byaha byawe, bwira Imana uti:
Ku nshuti yanjye Mana, Nizera ko Yesu ari jye yapfiriye kandi ko uyu munsi ari muzima. Ndakwinginze ngwino mu buzima bwanjye, mbabarira ibyaha byanjye, kugira ngo none aha mbashe kubona ubuzima bushya, kandi umunsi umwe nzaze kubana nawe ubuzira herezo. Mfasha kukumvira no kubaho ku bwawe nk'umwana wawe. Amina.

Soma Bibiliya maze uvugane n'Imana buri munsi! Yohani 3:16

